

Regulisanje finansiranja politickih stranaka u Bosni i Hercegovini



Visi zamjenik Visokog predstavnika, ambasador dr. Matei Hoffmann, izrazava pohvalu liderima politickih stranaka zastupljenih u Parlamentu BiH za inicijativu koju su pokazali na danasnjem sastanku, na kojem se razgovaralo o pitanju finansiranja politickih stranaka u BiH.

OHR je predocio svoje stavove o tome kako trebaju biti definisani zakoni na nivou drzave kojima bi se regulisalo finansiranje politickih stranaka. Sefovi i predstavnici politickih stranaka su jednoglasno podrzali prijedloge OHR-a (pogledati prilog) koje ce zvanicno prezentirati Parlamentu BiH njegovi clanovi, Ibrahim Djedovic i Nikola Spiric.

Transparentnost finansiranja stranaka je jedan od najvaznijih temeljnih principa demokratije koji treba biti zagwarantovan zakonom. Ta transparentnost ce osigurati da svi akteri koji se natjecu na politickoj sceni u BiH budu u mogucnosti da djeluju sa ravnopravnih pozicija i pod budnim okom javnosti.

Propisi koji ce biti predloženi Parlamentu BiH takodje bi trebali pomoci u borbi protiv korupcije tako sto ce se sprijeciti da preduzeca u kojima je drzava vecinski vlasnik i privatna preduzeca koja izvode javne radove za vladu daju doprinos finansiranju politickih stranaka.

Upotreba imetka u cilju sticanja politickog uticaja je takodjer suprotna samoj sustini demokratije, koja zahtijeva da svi imaju ravnopravan pristup organima koji donose odluke. Kako bi se spriječilo da pravna lica, kao što su preduzeca, steknu neprimjeren uticaj, predloženim zakonom će se ograniciti iznos donacija koje pravna lica mogu dati. Donacije građana će takodje biti ograničene, i ukoliko budu prelazile određeni iznos političke stranke koje ih budu primile morace ih prijaviti.

Očekuje se da će nacrt zakona u koji će biti ugrađene ove sugestije biti zvanično prezentiran na Parlamentu BiH bez odlaganja kako bi političke stranke mogle početi sa pripremom svojih kampanja za opšte izbore koji će se održati u novembru, a u skladu sa principima kojima se osigurava transparentnost i postivanje demokratskih pravila. Usvajanje tih principa predstavljace vazan korak u pravcu dostizanja evropskih standarda u BiH.

Ambasador Hoffmann je izjavio da će danasnja inicijativa vjerovatno uputiti znacajnu pozitivnu poruku uoci ministarskog sastanka Vijeća za implementaciju mira koji će se održati u Briselu 23. i 24. maja.

Sarajevo, 18. maj 2000. godine

U skladu sa raspravom održanom 18. maja 2000. godine u prostorijama Ureda Visokog predstavnika u Sarajevu, a u vezi sa potrebom donošenja zakona o finansiranju politickih stranaka u BiH, mi, ovlasteni predstavnici politickih stranaka, smo saglasni da podrzimo radni materijal vezano za izradu zakona o finansiranju politickih stranaka u BiH kao i da podrzimo njegovo upucivanje na Parlamentarnu raspravu u Predstavnickom vijeću Bosne i Hercegovine. Poslanici Predstavnickog vijeća Parlamentarne skupstine BiH Ibrahim Djedovic i Nikola Spiric su prihvatili da budu predlagaci nacрта ovog zakona u Parlamentu.

Stranke potpisnice:

Stranka demokratske akcije

Hrvatska demokratska zajednica

Stranka za BiH

Socijaldemokratska partija BiH

Liberalna stranka BiH

Gradjanska demokratska stranka BiH

Nova hrvatska inicijativa

Demokratska narodna zajednica BiH

Stranka nezavisnih socijaldemokrata RS

Partija demokratskog progresa RS

Srpska demokratska stranka

Srpski narodni savez RS

Socijalistička stranka RS

Radikalna stranka RS

Demokratska stranka za Banja Luku i Krajinu